

# Qarasaasiaqarnikkut paasissutissiisarnikkullu isumannaatsumik aaqqissuussineq pillugu kaajallaasitaq

Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersumi § 23, imm. 1 naapertorlugu makkua aalajangersarneqarput:

## *Atuuffia*

§ 1. Kaajallaasitaq Naalakkersuisut naalakkersuisoqarfiinut taakkunanilu immikkoortortanut atuutsinneqassaaq, tak. suliassaqarfiit agguarneri pillugit kaajallaasitaq (Suliassaqarfiit agguataarnerat).  
*Imm. 2. Matumani suliffeqarfiit namminersortitat immikkoortortallu nammineertut ilaatinneqanngillat.*

## *Qarasaasiaqarnikkut paasissutissiisarnikkullu isumannaallisaanermi oqartussaaffeqarfik*

§ 2. Digitalimik Sullissinermut Aqutsisoqarfik Qarasaasiaqarnikkut Paasissutissiisarnikkullu isumannaallisaanermi oqartussaaffeqarfiuvoq.

*Imm. 2. Qarasaasiaqarnikkut Paasissutissiisarnikkullu isumannaallisaanermi oqartussaaffeqarfiup qarasaasiaqarnikkut ataatsimut atortorissaarutinit piginnittup atortuutai isumagissavai.*

*Imm. 3. Data-nik akisussaasut oqartussaaffeqarfiit kvartalikkaartumik nalunaarusiaat tunngavigalugit Qarasaasiaqarnikkut Paasissutissiisarnikkullu isumannaallisaanermi politikki malinneqarnerisooq Qarasaasiaqarnikkut Paasissutissiisarnikkullu isumannaallisaanermi oqartussaaffeqarfik kvartalikkaartumik naalakkersuisoqarfiit pisortaqaatigiivinit nalunaarusiortassapput, tak. § 9, imm. 4.*

§ 3. Qarasaasiaqarnikkut Paasissutissiisarnikkullu isumannaallisaanermi oqartussaaffeqarfiup qarasaasianik piginnittut paasissutissanillu isumannaallisaanermut akisussaasut sulineranni ikorfartuisassapput.

## *Qarasaasiaqarnikkut atortorissaarutininik akuersereertarnej*

§ 4. Qarasaasiaqarnikkut atortorissaarutit qarasaasiaqarnikkut ataatsimut attaveqaqatigiinnermi malittarisassat qarasaasiaqarnikkut paasissutissiisarnikkullu isumannaallisaanermut qaffasissumik isumannaallisagaasutut aalajangersakkat malittarineqassapput.

**§ 5.** Immikkoortortaq pisiniartarnermut akisussaasoq neqeroortitsissutininik tamanut saqqummiussinnginnermi imaluunniit qarasaasiaqarnikkut pisiortorfimmik isumaqatigiinniaqatigiinnginnermi neqeroortitsissutininut piumasaqaatit Qarasaasiaqarnikkut Paasissutissiisarnikkullu Isumannaallisaanermut Oqartussaqaarfimmut akuersititserersimassaaq imaluunniit isumaqatigiinniarnermut saqqummiisimassaaq.

*Imm. 2.* Qarasaasiaqarnikkut Paasissutissiisarnikkullu Isumannaallisaanermut Oqartussaqaarfiup akuersereernerani § 4, imm. 1 naapertorlugu malittarisassat tamaasa eqquutsinnissaat pisariaqarpoq.

**§ 6.** Immikkoortortaq pisiniartarnermut akisussaasoq isumaqatigiisummik atsiunnginnermi imaluunniit qarasaasiaqarnikkut atortorissaarutininik pisiniarnissamut isumaqatigiissutissatut tunngavissap inissinnginnarani Qarasaasiaqarnikkut Paasissutissiisarnikkullu Isumannaallisaanermut Oqartussaqaarfimmut akuerineqaqqaassaaq, matumani isumaqatigiissutip tunngaviani periarfissat allat, suliasat nutaat imaluunniit inniminniinerit piulertussat ilanngullugit.

*Imm. 2.* Isumaqatigiissutip tunngaviani erseqqissaassutitut nalunaarusioqqusisoqarpat atuilernermullu nalunaarusioqqusisoqarluni, nalunaarutit inaarutaasumik akuersissutiginninnaranni taakku Qarasaasiaqarnikkut Paasissutissiisarnikkullu Isumannaallisaanermut Oqartussaqaarfimmut oqaaseqarfisussanngorlugit saqqummiunneqartassapput.

*Imm. 3.* Qarasaasiaqarnikkut Paasissutissiisarnikkullu Isumannaallisaanermut Oqartussaqaarfiup uppersaatinik allanik Qarasaasiaqarnikkut pisiortorfiup isumannaallisaanermut piumasaqaatinik malinninneranik piumasaqaateqartunik takutitsisoqarnissaanik piumasaqaateqarsinnaavoq, tak. § 4, imm. 1. Matumani ISAE 3000 kukkunersuinerimut uppersaat imaluunniit allagaatit assingusut kiisalu isumannaallisaanermut qaffasissumik ingerlanneqassasoq qulakkeerniarlugu pisiortorfimmut ilanngullugu.

#### *Naalakkersuisoqarfinni pisortaqaatigiit*

**§ 7.** Naalakkersuisoqarfinni pisortaqaatigiit ukiut sisamakkaarlugit Qarasaasiaqarnikkut Paasissutissiisarnikkullu isumannaallisaanermi politikki pingaarneq ukiunut tulliuttunut atuuttussaq Qarasaasiaqarnikkut Paasissutissiisarnikkullu isumannaallisaanermi oqartussaaffeqarfimmit inassuteqareerneratigut akuersissuteqartuusassapput.

*Imm. 2.* Naalakkersuisoqarfinni pisortaqaatigiit Qarasaasiaqarnikkut Paasissutissiisarnikkullu isumannaallisaanermut tunngasut ataatsimoorunneqartut pillugit malittarisassat aamma politikkit Qarasaasiaqarnikkut Paasissutissiisarnikkullu isumannaallisaanermi oqartussaaffeqarfimmit inassuteqartoqareerneratigut akuersissutigisassavaat. Matumani assersuutigalugu pineqarput:

- 1) Qarasaasiaqarnikkut atortuni nalorninarqartillugu tunngavissanik aalajangersaaneq,
- 2) sulisut aamma pisiortorfiusup Qarasaasianik atortunut isersinnaanerannut pisinnaatitsissutit isersinnaanermullu misissuisarnermi malitassat,
- 3) angalanermi Qarasaasianik atortunut isersinnaaneq,
- 4) atortut angallassinnaasat atortarnissaannut piumasaqaatit,
- 5) Qarasaasianik atortut ataatsimoorussat atornissaannut malittarisassat,
- 6) angerlarsimaffimmi suliffittut sulinissamut piumasaqaat.

*Qarasaasiaqarnikkut paasissutissiisarnikkullu isumannaallisaanermi ataatsimiititaliaq*

**§ 8.** Qarasaasiaqarnikkut paasissutissiisarnikkullu isumannaallisaanermi ataatsimiititaliaq inuttaqassaaq naalakkersuisoqarfimmi pisortanik makkunanngaanneersunik:

- 1) Naalakkersuisut Siulittaasuata Naalakkersuisoqarfia
- 2) Nunanut Allanut Pissutsinut Naalakkersuisoqarfik aamma
- 3) Attaveqaqatigiinnermut Naalakkersuisoqarfik.

*Imm. 2.* Qarasaasiaqarnikkut paasissutissiisarnikkullu isumannaallisaanermi ataatsimiititaliaq qaammatit pingasukkaat iluini ikinnerpaamik ataasarluni ataatsimiittassaaq. Ataatsimiinnermi qarasaasiaqarnikkut paasissutissiisarnikkullu isumannaallisaanerup qaffasissusaa nalinginnaasup annertusinissaanut suliniutit suliarineqarnissaat pillugit ataatsimiititaliaq aalajangiisassaaq. Aalajangiisarnerit pisumi sooranartut qaffasissusaa qaammatillu pingasukkaarlugit nalunaarusiarineqartut tunngavigalugit pisassapput, tak. § 2, imm. 3.

*Imm. 3.* Isumannaallisaanermi annertuumik pisoqartillugu Qarasaasiaqarnikkut paasissutissiisarnikkullu isumannaallisaanermi oqartussaqaarfiup Qarasaasiaqarnikkut paasissutissiisarnikkullu isumannaallisaanermi ataatsimiititaliaq sapinngisamik piaarnerpaamik ataatsimiigiaqqusassavaa.

*Imm. 4.* Qarasaasiaqarnikkut paasissutissiisarnikkullu isumannaallisaanermi ataatsimiititaliaq pisuni immikkut ittuni aalajangiisinnaallunilu pinartunik iliuuseqarnissamut aalajangiisassaaq.

*Imm. 5.* Qarasaasiaqarnikkut paasissutissiisarnikkullu isumannaallisaanermi ataatsimiititaliaq aalajangiisassaaq qarasaasiaqarnikkut atortorissaarutini qarasaasiaqarnikkut ataatsimut attaveqaqatigiinnermi piumasaqaatit malinneqanngippata, tak. § 4, ataatsimut attaveqaqatigiinnermit peerneqarsinnaasut. Immikkut attaveqaammut nuunnermi tamatumalu kingunerisaanik ingerlatsinermut, attassiinnarnissamut, allaffissornermut, qarasaasiaqarnikkut paasissutissiisarnikkullu isumannaallisaanikkut illersuinerneq aningaasartuutit oqartussaqaarfiup qarasaasiaqarnikkut atortorissaarutini piginnittup aningaasartuutigissavai.

*Imm. 6.* Pisuni pisariaqavissortuni siulittaasoq kisimiitilluni aalajangiisinnaavoq imaluunniit ilaasortat marluullutik ataatsimut aalajangiisinnaapput.

*Oqartussaaffeqarfiit ataasiakkaat akisussaaffii*

**§ 9.** Oqartussaaffeqarfimmi pisortatut qullersaasoq Qarasaasiaqarnikkut paasissutissiisarnikkullu isumannaallisaanermi politikkip atulersinneqarnerani, malitseqartinneqarnerani malinneqarneranilu akisussaasuussaaq.

*Imm. 2.* Qarasaasiatigut atortunik piginnittumik paasissutissiisarnikkullu isumannaallisaanermut akisussaasumik ikinnerpaamik ataatsimik toqqarneqassaaq. Inuk ataasiusinnaavoq.

*Imm. 3.* Oqartussaaffeqarfiit qarasaasiatigut atortunik ataatsimoorussillutik Digitalimik Sullissinermut Aqutsisoqarfimmut tunngatillugu atuisuusut Qarasaasiatigut atortunik piginnittumik toqqaasariaqanngillat. Assinganik oqartussaqaarfinnut aningaasaqarnikkut sulisoqarnikkullu allaffissornermi qarasaasiatigut atortorissaarutini Inussuk IT-mit atugassanngortinneqartunik

atuisunuttaaq atuuppoq.

*Imm. 4.* Oqartussaaffeqarfiit ingerlatsinermut atortuminnut suliasaminnut Digitalimik Sullissinermut Aqutsisoqarfimmut isumaqatigiissuteqarnikkut suliasanik Digitalimik Sullissinermut Aqutsisoqarfimmut tunniussisnaapput. Taamaallilluni Qarasaasiaqarnikkut atortunik Digitalimik Sullissinermut Aqutsisoqarfik piginnittuulissalluni.

*Imm. 5.* Data-nik unioqqutitsisoqartillugu isumannaallisaanermullu tunngatillugu allatigut pisoqartillugu kvartalikkaartumik nalunaarusiortoqartassaaq, matumani isumannaallisaanermut tunngatillugu pisuni nalorninartutut qulakkeerneqartut taavalu nalorninartut iluarsinissaannut iliuuserineqartut ilanngullugit. Kvartalikkaartumik nalunaarusiaq Qarasaasiaqarnikkut paasissutissiisarnikkullu isumannaallisaanermi oqartussaaffeqarfimmut tunniunneqartassaaq.

*Imm. 6.* Nalorninartutut kingunerisassatullu misissoqqissaakkat Qarasaasiaqarnikkut paasissutissiisarnikkullu isumannaallisaanermi oqartussaaffeqarfimmut tunniunneqartassapput.

**§ 10.** Qarasaasiatigut atortunik piginnittutut ikinnerpaamik makku suliasaapput:

- 1) Qarasaasiatigut atortut oqartussaaffeqarfinnit atugaareersut nalorninartumiinnersut kingunerisassatullu naliliiffigineri nutartissasut isumagissallugit imaluunniit qulakkiissallugit, aamma nutaanik atuilinnginnermi,
- 2) Oqartussaaffeqarfiit qarasaasiaqarnikkut atortuinik atuinerat pillugu nassuiaasiorneq ilaatigut data-t sumiinnersut, pisiortorfiit paasissutissanik suliarinninnerat, data-nik suliarinninnissamut isumaqatigiissutit data-nillu nuussinissamut tunngaviit pineqarlutik,
- 3) Data-nik suliarinninnermi isumaqatigiissutini isumannaallisaanermut piumasaqaatit data-nik suliarinnittunit malinneqarnersut misissuilluni, matumani kukkuniuissamut allagaatit ilanngullugit,
- 4) Pisiortorfiit isersinnaasarnersut misissorlugu.
- 5) Qarasaasiaqarnikkut atortunik piginnittunut oqalliffimmi peqataaneq.

**§ 11.** Paasissutissiinikkut isumannaallisaanermut akisussaasutut ikinnerpaamik makku suliasaapput:

- 1) Aaqqissuussatigut ajornartoornerit kingunerisassaanillu misissueqqissaarnerit suliarissallugit,
- 2) Paasissutissiisarnikkut isumannaassutisimik ilinniartitsineq,
- 3) Isumannaallisaanermi data-nillu ajortoqartillugu suliarinninneq, matumani Datatilsynet-imut nalunaaruteqarneq nalunaarsukkallu,
- 4) Suliffiup iluani malitassanik ilitsersuutinillu suliaqarneq nutarterisarnersu,
- 5) Atortussanik tigussaasunik suliarinninneq, toqorterineq imaluunniit aserorterineq,
- 6) Ilersinnaanermik killeqartitsinissamut piumasaqaateqarneq,
- 7) Qarasaasiaqarnikkut atortunut piginnaatitaanerit sulisullu isersinnaanerannik misissuisarneq.
- 8) Paasissutissiisarnikkut isumannaallisaanermi akisussaasunut oqallittarfimmi peqataasarnissaq.

*Qarasaasiaqarnikkut atortunik piginnittunut oqalliffik*

**§ 12.** Qarasaasiaqarnikkut paasissutissiisarnikkullu isumannaallisaanermi oqartussaaffeqarfik Qarasaasiaqarnikkut atortunik piginnittunut oqallittarfimmi qarasaasiaqarnikkut piginnittunik tamanik ukiumut ikinnerpaamik marloriarluni aggersaasassaaq.

*Imm. 2.* Qarasaasiaqarnikkut atortunik piginnittut ataatsimiinnissanut aaqqissuussanullu allanut

pisariaqartitsisoqartillugu aggersarneqarsinnaapput. Aggersaanermilu tassaasinnaavoq isumannaallisaanermut tunngatillugu pisoqarsimatillugu isumannaallisaanermi nalorninartup minnerpaaffianiitinniarlugu sukkasuumik immikkullu ittumik iliuuseqartoqartariaqarneratigut.

*Imm. 3. Ataatsimiinnermi oqaluuserisassat aaqqissuussallu imaa tassaasinnaavoq:*

- 1) Isumannaallisaanikkut navianartorsiortitsisoqartoq,
- 2) Nalorninartunik kingunerisassanillu misissueqqissaarneq,
- 3) Pisiortorfinnut tunngatillugu aqutsineq, matumani pisiortorfiit isersinnaanerat ilanngullugu,
- 4) Data-nik suliarinnittunut paasissutissiisarnermi isumannaallisaanikkut piumasaqaateqarneq taamaalillunilu misissueqqusisarnissaq,
- 5) Data-nik suliarinnittunut kukkunersiuinissamik piumasaqaateqarneq taamaalillunilu misissueqqissaarneq,
- 6) Qarasaasiaqarnikkut politikkit imaluunniit ilitersuutit teknikkusut,
- 7) Data-nik nuussinissamut tunngaviit,
- 8) Qarasaasiaqarnikkut atortut nutaat nalunaarutigisarneri
- 9) Atortunut tunngatillugu allagaateqarneq aamma atuisunik ilitersuineq.

*Paasissutissiisarnikkut isumannaallisaanermi akisussaasunut oqalliffik*

**§ 13.** Qarasaasiaqarnikkut paasissutissiisarnikkullu isumannaallisaanermi oqartussaaffeqarfik paasissutissiisarnikkut isumannaallisaanermi akisussaasunut oqallittarfimmi paasissutissiisarnikkut isumannaallisaanermi akisussaasunik tamanik ukiumut ikinnerpaamik marloriarluni aggersaasassaaq.

*Imm. 2. Paasissutissiisarnikkut isumannaallisaanermi akisussaasut ataatsimiinnissanut aaqqissuussanullu allanut pisariaqartitsisoqartillugu aggersarneqarsinnaapput. Aggersaanermilu tassaasinnaavoq isumannaallisaanermut tunngatillugu pisoqarsimatillugu isumannaallisaanermi nalorninartup minnerpaaffianiitinniarlugu sukkasuumik immikkullu ittumik iliuuseqartoqartariaqarneratigut.*

*Imm. 3. Ataatsimiinnermi oqaluuserisassat aaqqissuussallu imaa tassaasinnaavoq:*

- 1) Isumannaallisaanikkut navianartorsiortitsisoqartoq,
- 2) Nalorninartunik kingunerisassanillu misissueqqissaarneq,
- 3) Awareness pillugu qaammarsaaneq,
- 4) Qarasaasiaqarnikkut politikkit imaluunniit ilitersuinerit,
- 5) Data-nik unioqutitsisoqartillugu suliarinninneq,
- 6) Iersinnaanermut killiliinissamik piumasaqaateqarneq,
- 7) Piginnaatitaanernik sulisullu qarasaasiaqarnikkut atortunut isersinnaanerannik misissuineq,
- 8) Isumannaallisaaneq,
- 9) Sulisunik ilitersuineq aamma
- 10) Atortussanik tigussaasunik suliarinninneq.

*Atuutilerfia*

**§ 13.** Kaajallaasitaq atuutilerpoq ulloq 13. decemberi 2022.

*Siulittaasup Naalakkersuisoqarfia, 13. decemberi 2022.*

Múte Bourup Egede  
Naalakkersuisut Siulittaasuat

/ Hans-Peder Barlach Christensen

**Namminersorlutik Oqartussat**  
Imaneq 4  
3900 Nuuk  
E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut